

مؤسسې : ابن السري  
مصطفى نامق

مدیرې : ابن السري  
احمد جودت

# آسيان

أدبي، علمي، اخلاقي هفته لق مجموعه در

برنجي جلد

نومرو ۴

برنجي سنه

۵ رمضان ۱۳۲۶


۱۸ ايلول ۱۳۲۴

استانبول

محل اداره سي : جفال اوغلندء دائرة مخصوصه

مطبعة عامره

۱۳۲۴



## مائی و سیاہ دقیقه لر

- مائی و سیاہ مؤلف محترمنہ -

اوف ! .. بعض دقیقه لر اولور کہ حیاتک ہیچلکئی آکلامقدن متولد برفتور  
عمیق ایله اولمک ؛ بوی فائده ، بوسفیل حیاته وداع ایتمک ایستهرم ... آه ، بوسیاہ  
دقیقه لر ! .. بنی تدریجاً اولدیرن واولدیرمک یاشانان حیاتک بومحروم ذرہ سعادت  
دقیقه لر ی ... سز، برر قطرہ آتشین زهردن باشقه برشیء دکلسکز ... سزک  
اولیہ خائن و بی انصاف ضربہ لرله ، اعماق هویمه قطرات زہرابہ حیاتی سیلان  
ایدیجی بر جریانکز وارکہ صانکہ بوجریان سرسری ، بنی مہور بردکزک أمواج  
سمداری آراسنہ آناز ، سور وکلر ...

ایشته اوزمان بن ؛ اوراده ، اوزهرلی دانغہ لک کہوارہ سیاہ مانندہ ہیچیء  
حیاتی دہارنکین بر وضوحله اکلامقدن متحصیل بر بی تاب یأس و ملال ایله  
بر ہیچیء مطلق ایچندہ ہیچ اولورم ... اوت ، ہیچ .. بن و بوتون نامتناہیلکیله  
کائنات ، بوتون ولولہ مہیجہ بی پایانیله حیات ، واوحیاته ، دوشمہ مک ایچون  
بر حرص آتشناک ایله صاریلان ، صاریلدقچہ بر آرز دہادوشمکہ یافلاشان انسانلر ،  
تکمیل بوزمرہ ضعیفہ مخلوقات ، اوت ، ہیچ .. ہپی ہیچ ! ..

اوح ! .. ینہ بعض دقیقه لر اولور کہ - بیلہ مم ناصل برسائق درونی ایله - کائنات  
بوتون بدایعیلہ ، حیات بوتون شطارت و سعادت ایله پیش نظر مجلوبیتہ سریلیر . بکا  
نورلر سر پر ، قوس قزح لر دوکر ، چیچک لر آچار ، نشہ لر صاچار ، و آرتق آکلارم کہ  
حیات ہیچ دکدر و آرتق حس ایدرم کہ ، روح بدیع طبیعتدن طویلانش بر طراوت  
شوق و شغف ایله اسمکہ باشلایان نفخہ امل ، بی تاب یأس و ملال قالدیغم دقیقه لرک  
بوتون زهرلرینی قوروتمشدر ... ایشته او وقت ، بدایع طبیعیہ مجلوب ، لڈاند  
حیاتیہ یه مقتون ، انقلابات محیطیہ مشتاق ، یاشامق ، یاشامق ایستهرم ...  
آه ، بکا شفق لر یلہ بر افق منور خولیا ، چیچک لر یلہ بر ساحہ زمردین امل کشاد ایدن  
بوماوی دقیقه لر ... سزہکیز ، بنی ہیچلکدن قوتاران بر درد دانہ زرین سعادتسکز ...  
سزک اولیہ قلبی لطیف برر عشنہ نشہ ایله تیرہ تن . یاشامق ایچون بکافوت وجسارت

ویرن بر نظر کز وارد رک ، بوهر درلو بولوطاردن آزاده نظر کزک معنای نکاهنده  
اوافق بر لرزش اندیشه حیات بیلہ فرق اولماز ....

دمین ، بردقیقہ اول . انسانی بوغان ظالم کابوسلرله ، تحمیلکداز حالرله  
محول بر حیات خسراک هیلککری ایچنده اولورکن .. شیدی ، اوت بردقیقہ  
صوکره ، بوتون اوکابوسلر ، حالر ، زهرلر صانکه ناکهان وزان اولان بر هوای  
سمادتلہ محو اولیور ، قورویور ... آنک برینه بدیدیلرله ، چیچککریله ، نورلریله  
بر حیات نشئه دار ، متبسم و پرناز ، خندان و املنواز ، سربلیور .... ندر  
بوتضاد غریبه حسیات ، ندر بوتاثیرات عجیبه حیات یارب ، ندر ؟ ...  
بردقیقہ اول اولک احتیاجیله تترکن ، بردقیقہ صوکره یاشامق آرزوی شدیدله  
چیپنان بومعمای قلب شباب ندر ؟ ... ندر بو حساسیت مریضه که بونحیف قلبی  
باز بجه هوس اتخاذاشمش ؛ کاه صارصیور ، قیریور ، اولدیریور ... کاه اوقشایور ،  
تیره تیور ، سوندیریور ... ندر بوعلت مزمنه که پیش چشمانده پنہ شفققلرله ،  
منورمهتا بلرله متوج برسمای صاف کبود تجلی ایتدیرکن ... اوت بردقیقہ صکره ،  
بو آسمان شعر منوری کشیف بولوطرله نظرسوز قارا کلقلرله ، مظلم درینلکرله  
بوغیور ... ندر ، یارب ؟ ! .. بو صاف ، بومعزز ، بومسعود ، بومقدس مائیلیکی  
بیرتان بو ظالم ، بومستبد ، بومفترس سیاهلق ندر ؟ ...

رائف نجمت

نیسان ، ۱۳۱۹

بچه

ظلمت ...

— اوکا —

هر طرفی آغیر ، ماتمی برسکون قاپلامش ؛ سما ، سیاه بولوطرله اورتونمش ، سسز  
سسز شکایت ایدر کبی تنفس ایدیور ؛ کائنات ، ثقیل و غم آلود بر خواب غفلتله  
اویویور ؛ هریر قراکلق ، هرشی قراکلق ، نه برضیا ، نه بر حرکت .. هیچ برشی  
کورونیور ، هیچ برشی ایشیدیلیور ... هرشی سکا ، هریر سندسز لکنه آغایوردی .  
زهره ، بوش قالان بویرلره اشعه حسنی سر پدهک ایچون سر دافریبی مظلم